

露

書

露書卷之十

莆田姚旅園客著

錯篇上

桃花鯉若飛燕臨風翩跹欲仙西施舌若帳中李夫人迫而望之是耶非耶江珧柱珧海月也若徐娘老大頗資脂粉二者要當與桃花鯉作婢

銀魚膽殘魚也在在有之而平望爲多余不喜此聞其氣即頭暈章吉父出雲間之小者可寸許晒成一片薄如赤躡云此爲佳烹之氣自在後在海陵

嘗鮮者味甚甘始嘆世重其名而未得其實因評
之鮮銀魚如竹籬茅舍中美人時魚如珠簾繡柱
中美人河豚一富翁耳刀鯽則妖童之狡者

後見寶坻銀魚肥若玉環千里相貽味猶鮮甘又若
夏姬之雞皮三少江南所產不無寒儉然清氣出
其上

丙穴魚肉白如雪絕無腥氣何減四腮鱸然觀其狀
貌頗不快人意亦猶王粲才華不免以貌寢見詘
保德魚冬以贈人千里膾鮮但須冰耳余未嘗其齏

都閩鄭紹勛嘗守備此州問之曰黃河濁流此地
兩山夾澗其流獨清故肥膩芳美問其品則鯉鯽
鱖三種耳冰用滾水隨遠隨凍亦有廣者其味稍
變滌以胭脂澆以綠豆水則可玩不可食余笑曰
魏主雅望非常固不如牀頭捉刀人

鄱陽之鰈大踰尺縮項細鱗肉細味甘攷之字書魴
也惟其尾不顧後見苕溪之魴形固不異身小於
錢餐之有韻賴尾可憐

嚴灘之魚俗謂子陵所釣者長半於鉞大不踰盞然

無正名應字以鯢

雲間四鯢鱠肉白無腥故古人稱爲玉膾博興亦有
之士人不辨曰爲多魚味去遠矣蘇長公錦秋亭
詩且食鱸魚美託興耳

九江魚子醬何異西王母所謂連珠雲醬古有蟹醬
蝦醬魚醬蚌醬蟹醬鱖醬今尚有遺製然豚魚
子醬不啻尹夫人之見邢夫人

詩云魚膾膾鯉辛延年詩金盤膾鯉魚張季鷹秋風
起思鱸魚膾古人皆重膾今遍歷土風作之者寡

惟東粵絕重匪惟宴會卽歌樓酒館往往而是重
客雅士間輒就餐一舉而盡數益然膾重鱸者以
肉白無腥粵雖以青魚可掩昔美往在翟武康衙
齋嘗其一鱸至今奪吾口政

劉道真少漁草澤一姬樂其歌嘯殺豚進之道真食
盡姬見不飽又進一豚食半餘半夫二豚餘半乃
其小小者今惟粵中有此宴客匪此不敬蓋取初
生者用香料燒之合粵寥寥絕無彼中土官其先
皆上國遺風故俗猶有存焉

合州紅無異錯然所割魚肉雞子薄踰蟬異累如墨
穀七啓所稱一見於此

鱻惟海陵爲大大踰尺三吳出以深秋前中出以深
冬風味大畧相同鱻食猶有臊氣若以膏糝麩味
更爲勝董偃隨母賣珠非不瑩然一人館陶公主
家頗消寒氣風韻自別

馬官庖人注青州之鱻胥今鱻胥以江南爲美青不
第無胥矣博典雖有鱻亦小小者耳味復不佳

鱻房固佳然鱻大若雞子潔若初剖荔支以元水煮

之甜如波羅蜜余以爲瓊如石季倫糖若王君夫
猶有儉氣

永嘉之蝦亦若芋蘿之西施脂肉皆香大不能尺貴
欲千錢

燕窩以潔白爲貴煮之雖皎若水晶然如嚼蠟亦陳
平冠玉耳或曰能化痰則不如鵝眼錢矣

雞蹠汕盞須千錢余以爲如王安北見之不使人厭
出戶去不復使人思

金山豆豉相洽以爲佳味過香甜不堪下箸然醫寒

疾可稱於萬亦猶王大將軍事事田野只捫鼓吹
余聞天荒地遠香美異常何異武帝讀上林賦

楓亭荔支仙姝神女也蜜荔支若曲中竊窈色澤維
佳殊乏本來風味姑蘇湯梅土妓耳雖不令人厭
那得風韻

荔支果中之仙也桃花蠟海錯之聖也

嶺果食之固美然置牀頭時聞香氣覺有真韻一日
相思名不虛加

余在青州飽食嶺婆果每歎未嘗甘州素柰耳不知

蘋果卽柰也見厥虔而不識子慎可發一笑

文官果若安榴皮肉不可食食其核中仁耳鮮食若嚼蠟訝之後食乾香味香而甜如含雞舌久而不散始知高宗官獻者實不爲侈

柿三接則無核琅邪之柿以是可喜鮮啖之殊勝江南齊柿燕栗有出京邑余以爲蘋果似公瑾見之如飲醇文官果似子雲生前以容貌祿位輕之死後婦重柿似子產始疑爲蠶尾終以遺愛歸之

張載詩江南都蔗讓液豐沛三巴黃甘瓜州素柰凡

此數品殊美絕快渴者所思銘之衣帶今不第豐
沛無蔗豈內寒寒有之惟潤粵多液而甜其連人
兩都者出自西江長不半閩而味復短甘亦惟泉
州漳州爲佳兩都得之喜曰隋珠洞庭只堪作奴
三巴至小至酸稱以重臺可也

類葡萄酒名以錦荔枝亦孟公之驚座者

金陵無酒近長干王家慧酒亦不可以爲滕薛大夫
江北無如青州趙家露酒可謂從事矣曹州董酒
頗似余鄉酸酒稍淡耳然皆讓建溪玉帶春以清

勝也

巴漢唯酒宛然章臺妓羊羔刁酒三白則屠伯也三
白若家釀則佳

過大名見桑落多送幾杯猶王謝子弟雖未卽佳亦
自不凡

黎惟敬嘗對朱國高云桑落酒者九月九日作水麴
米皆以三斗爲準熟于桑落時故曰桑落國南云
西羌有桑落河出馬乳酒羌人兼蒲葯壓之晉宣
帝時來獻則此以地名非以時名又庾子山乞酒

詩云蒲城桑落酒則又出蒲州矣

襄陵酒謂是自釀之遺味雖稍甜猶可伯仲玉露河
津酒又出其上洪洞惟韓晉二州司馬善作此江
南無酒江北無茶若岱神河伯各擅其雄矣

有大將餽王司馬蒲葑酒二瓶王怪其少嘗之復無
味置之後問大將大將謂取家酒一杯灑蒲葑酒
一點則跳起三蒲葑蒲室作蒲葑香王試之始歎
異

龍井茶不多虎丘則薦縉分地而種人得數兩耳芥

茶葉微大有草氣見丁長孺試其佳者與松蘿不相伯仲松蘿天池皆指楨指尖謂梗澀尖苦也天池武夷多巖者天池則近山數十里槩名焉若山上之真者與松蘿峇山虎丘龍井武夷清源可稱七雄然而峇山如齊桓實伯諸侯天池如晉文清源味稍輕如宋王襄蒙山生於石上重之者以能化痰然滇籍別茶以取味亦若東周天子耳

酒以色清如水爲佳青蓮詩云玉椀盛來琥珀光則今之皮酒也有何趣向茶近日尤窮真味若宋人

搗以爲醬色味俱減矣而反重如尺璧是宋未嘗
知茶唐未始知酒

王肅在魏不食羊肉及酪漿常飯鯽魚羹渴飲茗汁
經數年後殿會食羊肉酪粥甚多魏祖問之曰羊
肉何如魚羹茗飲何如酪漿肅對曰羊是陸產之
最魚是水族之長所好不同並各稱珍以味言之
是有優劣羊比齊魯大邦魚比邾莒小國惟茗不
中與酪作奴此畏死游魂諛言取悅非確論也

蒲中榕樹大蔭數畝上可駕亭樹四五月田頭蹄涔

產花魚長二寸許身若文錦五彩相間童子取之
異盆而飼飼以蚊欲鬪者各以盆至共盆卽鬪銜
口翻身怒目鼓浪敗北者循盆而走勝者逐之至
斷其尾因其勝負以取樂余嘗與仲韋論快事一
則五六月在故鄉木蘭陂上榕陰樹底剖鮮荔支
看妖童鬪魚一則二三月在蘇公堤上綠柳陰中
傾玉帶春看冶妓走馬

鬪鴨之風今絕未聞鬪鵝亦惟見於漳州鵝之佳者
可直五千鵝鬪爲護其子故鬪時土人執雛交立

其前雖鵠隨後厲聲助其勇也主人以手招之壯其膽也先以酒漬米飼之酬其力也若去主與雖便不能鬪矣弱者敗卽逐北佳者雖敗猶堅立不肯少却

鬪鷓鴣之風秦中爲盛曾於王孫長房宅上觀之方卓鋪饗饗上安麈篩篩牆箱以布放鷓鴣於內誘以少粟相見卽鬪勢亦可觀負者竟逸能因其勝負以相賭王孫士人袖口一袋皆此物也卽肅客游覽皆不去此蓋此物穫粟時方至置之袖口欲

其暖耳

鬪促織之風今惟燕京爲盛市上有籠賣者置之於盆卽鬪鬪者視戰之勝敗爲賭準能鬪雖不能鬪雄能鳴鳴以翅雌不能鳴翅亦短雌三尾雄二尾京師可單養楚中不可單養單養則死江南亦不甚喜鬪見風氣之殊也

鬪蛛之法袁中郎謂自公安龔散木始鬪宜雌不宜雄雄遇敵則走足短而腹薄易辨養之之法先取別蛛子未出者粘窗間紙上雌蛛見之認爲己子

愛護甚至見他疎來以爲奪已極力禦之惟腹中
有子及已出子者不宜用鬪時初以足相搏數交
後猛氣愈厲怒爪鋒利不復見身勝者以絲縛敵
至是方止亦有怯弱中道敗走者有勢均力敵數
交而無勝者其色黑爲上灰爲次雜色爲下其名有
文官爲爪玳瑁肚黑張經夜叉頭喜娘小鍊嘴倒
以繩及大蟻

蟻喜鬪卑雅已載之然蟻有目而以鬚視始察自袁
中郎蟻以鬚爲眼行動之時以鬚左右審視然後

疾起抉其鬚卽不能行因憤而闕至死方休

爪戰者西爪燕時莆人兩兩對斷爪之肉色或斷子
色或斷子剖時落子在地若干負者出錢償值以
供笑樂按吳越時錢氏子弟逃若取一爪各言子
之的數言定剖覲負者張宴謂之爪戰則此風之
來舊矣

蕤戰者甘蔗上時莆人以數束積傍爲暗只取數枝
兩人遞擘次數同而比試短者償值蔗長須立椅
上擘之熟此者一枝一刀直擘到地游閒少年以

此爲樂

錯篇下

蜀中有九頭鳥一頭已斷雨血淋漓土人云血淋人
屋上則不祥此鳥過則爭敲竹片以驅之余在合
州官署忽聞滿城竹片響問之云九頭鳥過九頭
鳥鳴也一名鬼車鳥

滇中有鳥狀類雞聲作阿彌陀佛朱仲成觀察名之
曰佛鳥

滇中又有鳥亦畧類雞聲作五谷豐登朱觀察名之

曰瑞鳥

隱雞似鳳皇而小鳳皇無喙隱雞有喙甚大口三吐
火滇中雪山爲多

滇中多紅班鳩其色則異其聲蓋鳩

方長逸有鸞能飲至醉次日中酒如人汪遺民爲賦
醉鶴詩

梁小玉有絳色鸚鵡號緋衣娘有靈性教以金剛經
能誦之常念曰若以色見我以音聲求我是人行
邪道不能見如來忽一日言郎在嶺南思一見之

遂閉目不食鳴嗚啼泣竟死死時猶念彌陀數十
聲

曩宮中有黃鸚鵡屠長卿詩云一入雕籠奪翠裳羽
毛新得染鵝黃銅池淺淡嬌明月金屋曠曠晃太
陽詎罷斜侵宮柳色朝回遙接袞衣光佳人玉手
親調處妒殺釵頭雙鳳皇詩雖少丰趣而體貼頗

工

西內有白鸚鵡狀既如鴉大亦與鴉等鳥人教稱萬
歲清利似人

蔡光楚携白鸚鵡至京師形亦如鴉比西內稍小耳
但黃方勝黃裳爲異後中貴購而進之大內

在渭南見黑禽身與鸚鵡等喙紅尾長鸚鵡也其聲
鸚鵡也脚帶鍊繩蓋人家馴習而逸者余以爲黑
鸚鵡也鸚鵡有五色此其一種耳問之土人謂爲
紅嘴老鴉失其質矣

相思鳥大如雀紅嘴綠毛文彩可愛凡鳥睡皆相背
此鳥睡獨交頸放其一籠其一旋自歸籠驅之不
去若兩放則長逝矣故曰相思浦城最多南都南

州見畢鴟其狀相似不知卽相思否

蠟嘴鳥能嘴銜假面隨曲應節而舞又能認字南昌
宗室多養之以取樂

鴻之與鴈別者鴻飛薄雲霄鴈飛不度高山鴻色白
鴈灰色鴻寡侶鴈旅行故涂賦秋鴻送客詩云候
氣向鄱陽星河掠桂香衝霜憐羽白催葉渡江黃
顧影成佳侶將雲束遠裝他鄉有離別撩恨綺尊
傍

洪洞劉氏得一鴈執之一戀戀在空中鳴數日不去

一日下就繫者交頸共死

盧觀察言平陽一守嘗荒年催乳母活棄兒子數一
日羣鳥聚庭下不去守諭去遣人隨之鳥所宿樹
樹主貨之已度錢欲砍守卽輸直與贖

丁酉冬余過武昌鴉銜火黃鶴樓樓燬延及縣宇銜
火者火鴉鴉之精也

野鷺抱卵可五六十層層銜草漸壘作堆堆高尺許
雌雄隔日遞伏雄伏堆上則雌在下晝夜週巡雌
伏亦然慮有他虞也隔兩三日卽一翻動令下處

上故出穀日一時並出無一後期者

甲寅春吾鄉陳尚書一鵝將烹以享客鵝夜託夢於
主人云巴原佛子墮落禽類今願皈依上生寺聽
經以識往因主人卽送入寺初猶置之一室聞經
頃啄門鵝鵝欲出及出隨諸僧後行禪禮佛日以
爲常觀者鱗集張隆父作詩紀異云求生翻作逃
禪客離世曾爲託夢人

虎林沈之問寓南都驍騎倉傍家畜雌雄二鴨一日
家將烹其雄豫以籠罩之雌卽旋繞其籠驅之不

夫飼之食弗食已而雄以沸湯燻之雌哀鳴投沸湯盆中宛頸而死沈因不忍食同瘞於竹園

萬曆初源陽吳秀才之傭工人居龍壑家有母雞能笑亦能作小兒語雞窗之語爲有據矣

稔陵北門橋劉醫生鄰有雄雞飛入其家劉醫攘之不數日此雞生一卵五色後不見他異

癸酉余同學生郭兎家雞生四足人爭傳示數日而殞

盧青州署中雞雛初出獨一不出剖示則生四足而

頌已 乙巳年

余里小鄭掾丙午年雞產兩頭數日而死按物類相感志雞黃雙者生兩頭及三足則理有固然矣

萬曆初西苑有俊猊狀如虎尾直長身有半獻自西番所養之人留與俱臥起鎖以鐵柱有時人侮之則拽柱悻悻出門去養者諭以平昔撫養之恩如何遽舍我則復歸故處

雅州傅進士 良選 云其鄉蔡山多纒絛狀如黃牛犢

性食虎豹而馴於人常至僧舍與僧索食

陳肩之夜歸去余家數舍有小巷巷口踞一物猪形而壯於牛兩長牙如象至地眼光如火燿人陳疾趨而去或問豚而有牙必有此物方有此鬼攷之山海經欽山有獸其狀如豚而有牙其名曰當康見則天下大穰其斯之鬼乎今野猪云亦有牙出口外不知卽當康否

乙卯年六月末上高縣撲得一虎首有王字身文皆作飛禽走獸狀

熊掌最難熟鬻中不羈王孫謂須用草繩匝掌煮之

方易熟物類相感有固然者

萬曆間荊門州學中畜二鹿壯者病牝相依喘息亦不食及牡斃牝悲鳴而絕

吳祖季有一鹿自雛養之因馴習携之市行受吳指不觸人吳行殊不顧鹿追及之祖季莆田人生長秣陵後暫往故園鹿從宅內遍尋不見祖季卽不食數日竟死

穆天子得白狐以爲異以天下無粹白之狐也今西內有白狐居籠中甚馴虞人曰狐神獸也比白必

閱有年歲非大內則逸矣

西內一猴長與五六歲兒等但面小耳見外人卽跳
掣不止似欲扯人人以錢與虞人便帖然任人往
來蓋解人意者

洪洞有豺狗長如貓大虎見之卽伏豺跳據其首取
腦而食虎終不敢動

貓初生子屬虎人看之卽自食其子越數日屬虎人
看之卽移其子於他所物性之靈有如此者

凡馬耳後有角或腹有鱗或蹄後有爪皆曰龍能行

千里萬曆三年天方國獻之青驄色高出人頭蹄
脚甚大步旋如風後一月眇趙玄度太僕謂時

上却回此馬馬或愧憤而致然也

馬駒不淫其母以馬之知識也泉州城中人有一牝
馬當交之時因無牡馬廼赭其毛牽入暗室令駒
與交事畢出之駒眇知其母也卽跳躍悲號若自
咎者頃刻而死居人義之作義馬坊

高安熊士興洪武間人嘗乘一黑驢後士興爲賊所
殺驢以舌舐其血悲鳴三晝夜而死鄉人義之葬

之坪上呼爲義驢塚

三十三年潁州民家驢生卵殼如石剖視中如鋸木屑

驢父馬母而生驟驟有牡牝而不復生育其理難明
秣陵江東門外沈子才世業宰牛一日牛見將殺已
卽銜刀奔江而死于才感而改業余意銜刀者憤
其殺已也奔江而死者欲全尸乎蠢動含靈牛馬
之類未解人意直不能言耳弱肉強食抑何忍耶
況牛爲人力耕乎

戊申年蔡君
豪親見其事

三十三年潁州三塔集李攀蟾家產牛一身二頭

巳酉山東旣報牛妖之後復有一道人賣藥歷下懸一小犢一身二首問之云得之樵者欲以聳人耳目便售藥耳當事者傳示以方疏報因置之是此歲東省牛妖不特一也

辛亥二月初八日汲縣郭世顯家牛生犢一膊兩頭兩嘴四眼兩耳七腿兩尾先是獲加縣產牛兩頭四眼四足一尾

辛亥年二月十六日倒馬關軍袁朝臣家牛產黃色

犢一身四蹄一尾一腭二首兩耳四眼二嘴嘴各
有牙產出卽死

辛亥四月十五日降夷七克在石井山住牧牛產一
犢人頭人面紅色無毛無眼人口羊耳牛身牛蹄
大小牛隻當時俱死本夷又殺一母羊腹內一羔
亦人面羊身先是靖虜衛軍郭守敘家一乳羊跌
死剝出一犢一身兩頭三耳四眼兩嘴四蹄

釋長白游漂水道上見一牛背上生人掌五指分明

但有毛耳

天啓元年辛酉

太原崞縣民王臻家羊產一首四耳身後分兩半二

尾入足

三十八年四月初三日

萬曆二十八年三月潁州城西居民戴選家猪產白

象

永平燕河路營軍潘其家猪產一身二頭六蹄二尾

三十八年四月初二日

癸丑十二月初七日京師莆陽會館傍人家生猪一

頭一口四眼四耳項以下分兩身身爲雌雄生已

卽死懸以示人

萬曆戊午七月二十七日安慶程來旺家黑犬生一
子灰色長五寸高四寸一頭二身八脚亂生面鼻
類人落地卽死

漳浦徐廣文女旣歸適壻家黑狗死掩者戲樹埋之
久而爲妖狎此女女甚病從王父爲疹脉責其壻
曰負此重病如何黷之壻辭問者久矣因窮其故
始吐一秀才每來狎之身畧有毛家人因悟爲死
狗作祟掘脉果有生氣碎而焚之遂絕跡而女亦
痊復

大海中有海和尚蓋人魚而頭似和尚者常跳上番
船舶上人聽其坐望徐復入水若不知而叱咤之
返水卽作大風巨浪欲覆人船

從兄承父與余言在廣州大海中見似山者喜告舟
人舟人慌甚輒張巨鏡射之因若山崩浪花拍天
舟倒行四十里後誠從兄曰此吞舟之魚也

新昌熊敏庚寅年出宰徐聞時大魚隨流入港潮退
閭淺爲居民分割以一下脣貽令脣重八十斤

瓊州有鸚鵡魚身促而圓首似鸚鵡西安有什粵者

持歸以誇里人然終不敢食

分宜縣三十里有鱸塘每年冬至後一日始宰猪祭神開塘取魚先進鮮官長居民始敢嘗前是嚴相公奪專其利魚不復生比嚴相罷官塘還居民魚復生如故余弟季又曾嘗之云其味如鱒魚

沈生子儼居大功坊廳後巨池池中壘石爲山山下金鯽繫纜長數尺殆是三百年物

有偷金鯽者以草紙蘸燒酒包之納之袖中可耐半日養之仍活謂魚醉酒忘其出水耳

子魚之美自昔重之矣然子魚以子月至此子魚之所得名

易云信及豚魚廖季符曰昔賢謂豚魚河豚也河豚有信洎其時則至謂信者亦如河豚耳今按秣陵物候河豚以二月初至刀鯽以三月初至鱗魚以四月初至皆有信候不爽毫髮秣陵人喜嘗新逐時爭先不爭錢物稍後卽置不盼鍾伯敬秣陵桃葉歌所云四月鱗魚不論錢千錢劣得一時先河邊挑向城中去走到城中減半千卽其證也豚魚

之說出爾雅翼翼謂出以冬至誤矣

比目魚莆中曰鞞拖魚謂其形如鞞鞋也

字林鯖雜肴也樓君卿之五侯鯖是也又說文云鯖煮肉也今齊中自有鯖魚出登州極爲貴重出時馳長安以貽尊貴殊非雜肴之謂

鹿筋烏魚子鰓魚脰最佳味而海澄最多皆來自北港番北港番者去海澄七日程其地廣而人稀饒鹿與魚其俗得鹿只取其腸洗淨繞臂沿途生啖之餘盡棄去故海澄人以濫物易歸又烏魚帶魚

之類皆咬尾逐隊千百爲羣取者必徐舉聽其去
半後取不然卽決網斷繩而去

吾鄉綬溪春水初生衆魚尋流水漲二尺許鄉人以
竹簿高可一尺置溪底開一面縱魚入簿魚視簿
若至高環游遂不敢出鄉人因而手之罩之半餉
間人可得四五十觔大抵多鯉魚大者至一二十
觔觀魚之樂此爲第一

李宗定在秣陵夢一人云我玄武湖鎮殿將軍也宜
救我次日有鮓鱖魚長三尺者云得自玄武湖宗

定憶其夢親送歸湖中是夜仍夢前人謝救亡之
恩因言魚皆人變不宜快餐自後宗定見魚不復
舉箸

吾鄉鄭在質販糖泛海入姑蘇舟至寧波袖銀包登
听不覺墜入海中心鬱鬱不樂旋見大魚在市買
以下酒破悶剖開所墜銀包在魚腹中

盧大叅分鎮沂州變鶴日宿其堂脊一日相戾而一
墮地吐魚七尾大可五六寸時頗異之旋而死一
僮一婢死一妾歸途死一老僕抵家而一親姪姪

之婦及仲兄相踵而亡應魚之數尤可異也

林水部爲宰時服除赴闕謁選次建溪舟中假寐夢
九仙長須列坐溪傍醒而適童子網得九蝦因投
之水

鸞雌常負雄行得雌卽並得雄得雄則雌者飄然逝
矣莆中罵癡人曰駮如鸞公是也王敬美謂得其
雄雌亦就斃聽言之不審也但聞此物不獨生云
雄去而雌亦死則次公之言不謂無據惟不宜云
就斃耳

莆人極重蟹饌客非持螯不樂王敬美謂土人不之
重殊重一重寃案

鮑魚禁之者多皆以爲乾魚矣又有言海中自有一
種鮑魚形如小鱗第長安所賣鮑魚乃如大海螺
其味甚芳價一斤三百銅錢今多以海螺肉克之
買只百錢天地間物類至廣不可以未覩而妄爭
也

龜在爾雅其名有十曰神龜曰靈龜曰攝龜曰寶龜
曰文龜曰筮龜曰山龜曰澤龜曰水龜曰火龜褚

先生謂名龜有八曰北斗龜曰南辰龜曰八風龜
曰二十八宿龜曰日月龜曰玉龜曰九州龜各文
在腹下曰其之龜周官龜人掌六龜之屬天龜曰
靈屬地龜曰繹屬東龜曰果屬西龜曰雷屬南龜
曰獵屬北龜曰若屬各以方色與其體辨之想卽
爾雅之所謂俯者靈仰者謝前弁諸果後弁諸獵
左倪不類右倪不若也今灼龜者舉上種種名色
問之皆不知爲何物第辨其體曰龜王曰龜將曰
龜判曰龜鵠曰龜心曰龜臍曰黃連曰黑老曰長

消龜王近首有兩又龜將脇下有兩○龜判脇下
有一○龜鵲察股只有一邊龜心肚皮邊有一○
龜臍肚皮有一○黃連雌者尾眠黑老雄者尾向
上長梢雄之小者尾亦向上自龜王至龜臍六種
皆以占功名間以他占而龜王尤貴重不輕用用
須錢一二千黃連用以占盜賊黑老胥史占則用
之長梢皂快占則用之想亦有所本而名稱稍異
耳

嘉靖年間楓橋瘍醫龔氏有大龜忽作人言

金陵劉秀才青菜劉之旅也秀才入鄉得大龜烹而食之自是漸病夢閻王譴已與龜對理已理屈遂不起

紹興錢郡丞

九思

家煮鼈湯滾頂鍋蓋高數尺以物

壓之隨壓隨起郡丞怪之剖視鼈腹中一玉彌勒在焉始悉鍋蓋頂起故玉彌勒者鼈寶也亦狗寶

之類

陳南榮親見其事

同安海澄海上有海龍每春時放矢石上經雨矢漸生爲海粉延蔓甚廣粉以冬生綠色爲佳海龍大

二寸許似鯢鯢頭能伸縮海鼈頭如鮎寸許不能伸縮一鼈只一矢矢秀爲粉卽死矣若芭蕉終于一花也篇海有鼈鼈二字竊疑蜘蛛應從至何以從睪後見此始知爲此物矣

燕窩不知何物所成秋來燕渡海畏身輕各街之倦則置窩水上坐其中隨波漂蕩燕多歸于西洋之六坤東埔寨二番山中取燕窩者必於此地第龍喜食燕取者必先燒鶯殼雞毛及頭髮驅龍然後敢入山龍食燕則不能升天旣燒臭物見龍影一

縷他徒耳

莆青山海濱有小白石狀如杏仁而擘兩瓣腹有文
如垂置書笥中積歲不壞一石也移醋碟中兩石
離立即雌雄相逐聚爲一處生卵如粟王敬美分
守時得之載之閩部疏曰雌雄石曰相思石顧峴
海槎餘錄曰相思子攷之名郎君子可治難產握
之立生然亦有青碧色者云出南海

鯉故產海中德清城南門內橋下迺產鯉溪中有鯉
亦異事味稍淡耳



謝大行

杰

使琉球舟中見海波頓裂深黑不可測後

之老成者曰此龍神迎

詔也頃之迴湧如白塔

高可數十丈涎盡處突起白虹直際天表且不翅

千餘丈如是者三有若鼎足然虹盡處結成黑雲

大可盈畝須臾駭廣衆請發牌止之正使以爲幻

人心洵懼噴有煩言謝公以安衆心爲請始勉爲

書詔勅在船龍神免朝八字牌一發卽雲散于天

涎歸于海其去來若可呼而應者 朝廷之寵靈

而百神訶護如此

隆慶五年辛未七月二十日午時吾鄉有二龍出東

角

地名

海中初黑霧彌漫疎雨甚大色黃而氣腥

龍擁水高丈餘濶數丈亘野聲若烈爆勢若浙潮
一飛騰初甚小旋若墮復起則長數千丈漸至竟
天尾鏡身若水牯腹背正白鱗甲蠕動若蟹足歷
歷可見隨駕片雲而升一浮游田禾之末北渡洋
水水皆湧從旋卷噴薄如火樹銀花至白石堀中
水躍數丈埠上柚樹皆偃旋入于東華

地名

潭中

禾樹水藻隨亦如故而無寸拆

萬曆十五年應山苦旱至六月晦日邑中廣水店劉
敦伯田間有物蜿蜒如巨木漫浮禾上農人胡金
伏塍側窺之見此物有足足動則雲流有神人青
衣白裳隨之如乘車然旋出田登山天地冥暗雨
如注大風拔木而物所歷田禾無損

丁巳八月初四日日夜安丘清河社忽起旋風內裹
白龍一條下引一烏龍吐火照耀鱗尾聲如猪白
龍首上尾下烏龍首下尾上交際一會而後上升
尾捲居民劉文煒草房九口共四十一間死傷三

人田禾蕩盡草木焦枯

潁州徐潤幼時釣于黑龍潭舉竿得一物手足頭尾皆具畧肖人正黃金色長可尺許潤曰魚族人貌其龍乎舍之夜夢一黃衣叟高準長髯謝曰我龍也幼子游戲誤吞餌感君不殺君後必昌今秋部治民徐之孫也

合州李甲在臨江寺前見漁者得兩金鯽長尺有半魚各帶金鈴凡魚眼圓兩魚眼皆橫甲賣放之人以爲龍也

癸卯泗州水中鳴者三晝夜一日見三鱈魚水上游
已而漸大忽水漲高出城頭沒死者甚衆

隆慶六年八月潁州良庄湖中有白物高四尺圍約
二尺許蠕動俯盼悉如人晶瑩似明鏡居民競逐
之奔馬不及射之劃然有聲矢逸經月餘始沒

琉球原名流虬以山形剝曲似蛇後改今字今山猶
多蛇而無虎往使之役人曾擊殺蛇後衆多傷于
蛇謂大行初至彼夜有蛇蟠鼓上鼓人以聞戒勿
擊以後竟無至者若有知然

廣南多蟒精能知人姓名山行聞呼不可答答之卽
夜隨人至旅邸食人惟是主家多畜蜈蚣以待之
蜈蚣長尺許昔有山行而答呼者聞於主家主家
夜覆燈及聞瓦響開籠放蜈蚣次早蟒長數丈斃
於舍傍

廣南蚺長數丈以婦人衣覆之卽伏不敢動因以繩
繫之直隨至家唯所宰割

孫叔敖所見者兩頭蛇霍州霍山有並頭蛇郭璞山
海經圖贊枳首蛇是也

霍山有短蛇生於穴中身與穴大不能出入見人影吹之人輒病豈短域之類耶

李本立國子云獵能辟蝎胡人每廂以爲衣故得獵以爲異寶

鮫鯉蒲中日羅鯉

蜀中有蛤蚧形如守官長半尺一在樹上一在地而叫叫極下與地者合抱而死晒乾產婦執之可解難產

楚新昌銀庫有鼠數十大拱把庫吏每日以飯投石

二
上有聲卽羣出爭食人戲執之亦馴習不驚新獲
一猫見之匪第不敢近且懼而不食者三日

丁巳五月內秣陵江東門外有鼠自江北渡江趨入
圩田嚙禾稼一空或千爲羣或百爲羣皆銜尾而
渡月餘不息其鼠俱長二寸餘頭方尾短與家鼠
稍異按勝國之末有此異劉敬叔異苑則稱義鼠
似鼠短尾每行遞相咬尾見之者當有吉兆草木
子云鼯鼠斂萬相銜而行而未聞方頭也

朱圖南游東粵至翁源羊亘 地名 三十里許深山中

聞蟬聲甚宏如泣如訴心竊異之問之舛人云
也隨見地上一蜩似蟬黑色長七八寸雙目如漆
大可龍眼核兩翼若烏紗翅蜩在在有之未有如
此巨者

洪洞見負黍蟲黏於壁長寸許身如綴黍只云積稻
芒耳以手揉之始知爲蟲亦曰簍衣蟲寫形酷肖
辛亥松江西門內有蟻聚行路上濶二寸許自昔照
寺門前穿寺中而後往不知何所起與何所終時
人異之松江城中有河原可通舟楫曩爲巨室兩

邊蓋屋跨河屋背相負遂失河路及守許維新洩
任見私屋占官河因盡撤去時人始悟曩遷之兆
初撤屋巨室甚不便後運租直至門前復德之

川茶花花艷而清芍藥疑不敢稱弟莆中嘉靖前未

有此有仕蜀者誘至秘不以分人鄭僉憲東白訪

其人其人向以僉憲令奪頭移去因折枝插地明
年遂成數十本自是莆中盛開初時售人計葉取
錢葉可百錢今亦計樹之大小

半月泉不數武有聽松堂堂前有川茶花可拱把傳

是宋時所植者

丁巳春廖季符官署寶珠茶結子如枳中兩核如批
杷子秋籬菊開並頭花余意以爲祥季符極清操
是年中讒而挂吏議豈物異常者皆爲妖耶

海棠不香不實惟 孝陵一樹歲結實食之外香而
中酸區用孺太史爲作贊

蒲中只有鐵幹海棠記稱徐佺結巢海棠上巢飲其
間惟以爲妄及見西府海棠始知向見未廣范東
生貴陽訪謝君采門前見一樹兩人合抱高出屋

梁問何樹君采曰西府海棠也東生色駭君采曰
君未見吾園中如此者數十株此真可以巢居矣
垂絲海棠花與樹皆似碧桃但未若西府高大耳
秣陵天界寺半峰庵木蘭二樹可一抱云是宋時物
開時賞者屢至

資州晉定分署內有假山山間有樹根幹枝條皆石
也而有葉如榴葉最茂翠開花似桂微黃嘉靖丁
巳僉事焦希程賦詩紀之而不知其名按抱朴子
石桂芝也

萬曆丙午年忽有向日葵自外域傳至其樹直聳無
一校一如蜀錦開花一樹一朶或傍有一兩小朶其
大如盤朝暮向日結子在花面一如蜂窩金友璵
與余言佛經所謂曇花也

謝君采云大理春時備園時之花言嘗二月買石榴
芙蓉菊花挿瓶菊花之朶大如盆石榴五月在樹
半開花半結子子大如拳可剖食

楚新寧至益陽小河僅容一舸夾岸盡蠟梅舟中舉
手可摘花落盈船可作茵褥如此者三日月夏何能

嘗過其地有詩云干戈自是戀繁華從此春心不
看花欲向水窮山瘦處蠟梅葉裡作人家

成都城外十數里梅花甚夥獨二株甚古蒼枝虬曲
偃蹇如龍謂之梅龍李本寧先生爲監司時每游
咏其下

李本寧先生丙辰年九月十八日爲七十初度是日
次子宗定書房中紅梅大放花梅皆先花後葉此
乃有綠葉承之諸人因爲紅梅獻瑞詩以壽之

癸巳八月余園中桃澗花開燦爛當是先此颺風落

葉氣未盡而更發耳或曰樹將頹而氣洩是年作
屋園樹盡付斧斤

已酉琅邪盧大叅官舍見並頭桃數枚又舜花並蓆
者可百朶是歲盧有長婦之變豈泊宅縮之言足
信耶

矮桃盆栽樹纔高尺許而結子如碟大蜀中有小桃
正月半開花不知卽此否

內苑有呂公杏中使誇之於朱仲成觀察觀察悵難
得乃佯不信中使因以七八枚遺之啖之見核破

核復一杏杏中仍有核呂仙嘗自稱回道人今杏
中有杏故名呂公乎

函沃縣有棗甜而大其枝皆向北因謂之向北棗今
人只稱葵向日不知棗之向北也

會元贊大史寓邸在灰廠中有龍爪棗虬枝詰屈若
出人力亦一種奇物也

蒲延壽橋頭一荔枝樹宋時嘗採其南枝以貢今不
錫貢北枝歲結果纍纍南枝不復生

吾鄉有菩提果實似枇杷其香撲鼻其甜如蜜初疑

爲來禽後問林彥式讀書處曰吾居在菩提樹下
始知其名俗謂葡萄果土音相訛耳

文官果卽文林郎文林郎卽高宗所賜之官名因以
名果俗呼爲文官耳或曰文林郎一名來禽誤蓋
文林郎之實皮如石榴不可啖安能來禽今以花
紅爲來禽花紅味甜名副其實矣花紅如蘋果而
小赤色當是丹柰

滇人謂蜜榔花仙人喜採食之故花開時卽以狗血
厭之厭所不到則一樹無復一實

波羅蜜生海南樹生實大如冬瓜有刺不可食食其
子近漳浦趙甫調廣文云其邑有之矣剖開子如
芭蕉味如皂角衆皆棄去其嫂嗜之徐興公謂不
宜生食煮食甚香

閩中極多香櫞籬園亭館何處不香且携四方贈人
南郡人見閩人卽問香櫞王敬美謂閩中無香櫞
而以佛手柑名是謂燕晉無棗栗也

中州密縣天仙宮三白松黃帝堊三女於此墳上遂
生三松上下皆連枝李于鱗詩云只愁明月銷爲

水更恐清陰疑作霜

長安報國寺佛殿前二松偃臥如龍墻外數株形勢亦作是若地氣使然

泉州舊興泉道公署原是城隍廟韓琦生于廟中門前有松樹大數十圍有吉凶卽吐烟前一監司將陞官吐烟一月及聞報而止

今所食松子皆生於括子松一名羅漢松其樹婆娑可愛最宜亭榭

羅漢柏葉似柏第垂絲婀娜可愛耳

觀音柳葉若柳而垂絲如羅漢柏此二種在真州於
林伯廣園亭見之倚蒞無力信風流佳種也枚乘
細柳賦吁嗟細柳流亂輕絲又有以蜀柳獻武帝
者條甚長狀若絲纒武帝曰楊柳風流似張緒當
年據二柳之狀甚類觀音柳想一物而三名乎

後漢蕪丘萇隱處多龍鬚檉柏望之五采世呼婦人
品檉河柳也則今觀音柳羅漢栢卽龍鬚檉栢矣
洪洞廣乘寺山上栢樹樹身皆左紐俗謂寺先有聚
寶盆勢家索之僧匿之栢樹下左紐爲誌次早樹

皆向左矣

嘗見圖經云西嶽廟有唐柏五株已未冬至廟按柏大者不止五以問道士答曰古則古矣未知爲唐與否因指一槐曰此則相傳爲楊貴妃繫馬槐也槐高大可數人圍蓋亦古矣

山西陽和白羊玄廟火鼎中生榆樹二株大如拱雖香火雲集榆茂不改李大叅君章有詩云筵花寧受燭龍然

神異經十洲記皆東方朔所著一扶桑也經云樹高

八十丈葉長一丈廣六尺椹長三尺五寸記云樹
長數千丈二千圍椹如中夏桑也是朔未嘗實見
皆信口誕言耳

游吳興見桑拳曲長如人身裁拳大過昭慶寺見所
謂魚鼓大如箕咤之曰安所得桑而巨如此後游
筠州桑身數抱大可蔽牛始歎向猶南人不信北
有千人之帳也

沂州有馬纓樹葉如胡蘿蔔花似馬纓王敬美謂卽
夜合樹不知卽合歡樹也其葉夜合故曰合歡

園中種榕若種柳截取枝幹可升大挿而溉之經春
卽發其幹勁植不緣他樹南州異物志曰榕樹初
生少時緣搏他樹如扶芳藤形不能自立其說訛
矣

今器具雅重花欄木欄訛爲梨俗遂呼爲花梨木
洪洞城東十里許有蜀村寺寺中一佛立地丈六身
云先是一樹夜夜放光村人以爲惟因雕以爲佛
以鎮其惟後始鑄寺旣雕以爲佛樹不復萌芽可
惟也

承天西北五十里朱家埠五代時有大樹作惟胡僧
伐以爲佛因建喬安寺近一縉紳欲廢寺爲母墳
移佛不動伐之有血淋漓比塋後夜聞鬼哭聲云
爲神驅不容安寢未幾水冲而風水壞

潁州東五里有郵丘人呼爲婆婆塚嘉靖中御史張
光祖欲建游亭其上夢神冠冕繡服慙不已張不
聽竟夷其頂樹之側柏又夢神怒曰吾語若吾已
愬上帝矣是年張沒

青州黃守每送迎出郭憇一古廟廟前兩古樹婆娑

可愛一日忽不見樹云砍之矣守欲勾砍者云砍後欲者死矣問貨誰云府中公署作樓雨中柱卽此樹也守忽不樂祭之而歸未幾而內于卒未幾黃亦卒顯是居者率不利因移公署于東偏

曹侍郎

時聘

隣寺有古柏頗偉與僧貨作壽器柏夕

見夢于僧云已爲神矣語曹無伐當令曹利益曹私意僧吝已而託言耳卒伐之未幾曹之二子死曹死僧亦死

張洪使緬錄載緬甸有木曰金剛纂狀如櫻櫚枝幹

屈曲無葉剗以漬水暴牛羊渴甚而飲之食其肉
必死卽餽生宰亦必俟三五日毒去方敢享用

巴蜀山中往往稱有聖燈夜中望之亦訝爲奇事癸
丑在長安見陳刺史汝礪云游峨眉山見聖燈以手
承之乃一爛葉耳又見廖季符明府云少時避亂
山中夜雨初晴見遠山火起遣人跡之乃一爛木
在地復訝其理之難明比閱俞琰席上腐談云其
先人收租無錫見鬼火無數老僕乘醉趨撲之乃
石楠葉之濕者又葉玉岩云嚮在五臺山中夜見

濕松皮有光此卽頃二君之談腐草爲螢理無足
惟

廣州龍竹大如桶可爲甌葉長七八尺濶尺有半朱
國南異之云可題詩二三首

閩中竹品甚多莆中業有二十四種曰椶竹湘妃竹
木竹筓竹苦竹淡竹猫竹箭竹赤竹綠竹慈竹紫
竹釣竹含葉竹方竹桃竹石竹鳳竹佛眼竹箬葉
竹槎枝竹斑桃枝竹負簷竹王敬美謂閩中大都
有慈孝竹無他佳者亦耳視矣

丁巳歲寧洋縣石寮地方生白竹二株竹幹葉盡白
父老云嘉靖丁巳邑亦生兩白竹先是數歲連荒
後遂有蘇阿普之變

丙辰年余在家始見鶴蘭花雪白其形似鶴其香猶
蘭獨其葉甚潤如飯匙耳攷南方草木狀鶴子草
形如飛鶴當夏作花南人用爲媚草故亦名其花
爲媚花似卽鶴蘭矣第媚草云蔓生豈另一種耶
寧洋縣有蘭生木上取懸簷下不資灌溉不萎不枯
開花如故因曰倒吊蘭花香靚蘭稍甜或曰卽石

斛草攷之生石上者曰石斛生木上者曰木斛則
木斛也徐興公謂永福有此亦只呼爲石斛

觀音面狀元袍牡丹異種也楊冷然詩云紫奪錦袍
分學士嬌憐粉黛幻觀音

綠牡丹園林間有之惜余未之見見徐文長詩云漢
水鴨頭教作被隄山鸚鵡未呼人不如林叔寶所
誦云珠還金谷樓前魄血化萇弘死後痕爲穩貼
長安獻歲朔日卽有牡丹花花大如巨盆葉菁蔥如
翡翠蓋於密中以火力奪天工也中貴市以進

上初折枝一瓶酬五十金漸次減值余於初四五
在郭聖胎齋頭賞之蓋中貴以悅一甲科甲科以
詒聖胎爲催詩使者也

朱圖南游英德清遠之間曰蒙里驛聞荷花香撲鼻
比走五里見人家池中止蓮一朶大如斗單瓣水
紅色其鬚淡黃長三四寸可二三斗許時五月初
二日也花開獨早又香聞五里昔人云蓮花大如
斗只謂誇言耳圖南乃身見之

滇池三百里而百里蒹葭蒹葭中有千瓣蓮花花含

苞不肯開以手揉之始躍開在池不經手者皆拗
恨而萎

壽州城中馬神廟內僧居香泥塑一大士其來舊矣
泰昌元年庚申十月忽右脾生優鉢花一枝三朵
旋而胸前右臂又各生一枝共六朵花茄色越半
載始乾魏監司因建瑞蓮庵而馬神廟反附庸焉
末利花韋君呼爲狎客張叔敏呼爲遠客名稱固雅
未肖其形余謂不若稱爲花紫夫人

南都紫末利蒲中謂臘脂粉花似末利而不香虛有

其表耳云朱元介狀元移自朝鮮

秣陵秋海棠草本也高尺許花葉俱似莆中野梧桐
但花如桃花淡紅而清艷弱幹舞風柔婉有態誠
花中之麗華也瑯嬛記曰斷腸花曰八月春謂思
婦灑淚所生不可知矣

秋海棠根曰澤瀉高者一二尺耳朱圖南謂在羊亘
三十里內見峭壁上吐花如錦高丈餘連綿十里
此真異境矣

鴈來紅似老莧菜又名老少年朱圖南云按本草卽

後主房中樂一名後庭花

吾鄉園林一葉如列翅花若萱草第近稍白而未
紫上作斑點狀如飛燕俗因名之曰紫燕攷之爾
雅翼射干也一名烏翼烏蒲烏扇今世讀書每讀
其名而昧其狀及見其物而又迷其名信末世一

悶事

蘇陵曰
蛺蝶花

迷迭今之澤蘭花也按王粲賦布萋萋之茂葉挺冉
冉之柔莖陳琳賦立碧莖之婀娜鋪采條之琬瓊
下扶疎之布濩上綺錯而交紛可謂澤蘭寫生

盆中菖蒲草世以爲書室清供其根九節卽九節菖蒲也服之長生卽此物矣

菖蒲花稀余辛酉在長安端午市之有花三朵余餐其二留一爲清玩

百合花甘蒜也狀似蒜而甜耳

露者草根也形如貫珠但兩頭尖耳以爲茶果其味佳嘗在渭南史直指宅嘗之直指謂種之者希已與南太史家有之不知江南甚多第食其實未見其葉作何狀耳

莆有土瓜一名挂頭甜味有風韻他處未之見傳玄
瓜賦舊有蜜筍及青括蕪嵇含瓜賦甘瓜普植是
謂土芝士芝蜜筍豈此物耶

莆中謂君達爲春不老後閩閩部疏春不老君達各
自一種則莆誤矣

葵菜楚新昌謂之冬莧菜以其葉歧紫象兒出以冬
耳淮南子曰使人相去也若玉之與石也葵之與
莧也則論人易矣於此見楚言有自也王敬美謂
今菜品竟無稱葵亦不攷矣

瓊菜閩中最多王敬美謂惟南京有之是以常見忽
暫見也

入兩粵有所私及歸婦人必以毒置食隨所約之年
月俟還日以他藥解之儻過期不還卽毒發而死
余里中有一人踰期越年始還婦人恠訝後食瓊
菜婦人舉問爾鄉有此乎其人始知瓊菜能解定
年藥毒

莆中有番蕉以從番舶來身如椶櫚高一二尺葉如
芭蕉長丈餘但作梳齒狀又如杉葉堅而刺人日

照之葉脊無影人家以盆種之云能辟火此性
喜缺日以缺屑培之或稍蝕以缺釘數枚釘其根
卽蔥翠異常故又名缺樹攻之荔枝一名馬槌馬
槌一名慎火戒火卽此物與

本草載景天一名慎火戒火救火據火護火辟火火
母云種以盆置屋上春生苗似馬齒莧而大又似
長匙莖極脆弱則卽莆中之所謂火辦也此物有
二種一種卽盆中者高尺餘能開花名火辦一日
盧會一種生道傍鄉人以爲籬落大拱把高一丈

五尺有葉無花狀如火艷名曰火艷火艷擦人皮肉卽皴不堪入藥只堪治癬生癬者以刀取其汁以物挑擦癬上旋以醬敷之醬乾落癬卽平試之神效擦時不可出癬外正以爛人故今本草綱目載治十數病誤執火辨爲馬薤無疑矣

火艷樹極易生能辟諸疫養猪者多折一枝插門外卽生長如林園中惟福興泉漳爲多他處則寥寥漳州名曰籬牢正以堪籬落也

火艷秣陵曰霸王鞭滇中曰金剛鑽滇人云孔雀喜

食之

山海經南山招搖之山有草焉其狀如韭而青花其
名曰祝餘食之不饑攷之麥門冬葉如韭而花青
結果亦藍本草云久服輕身不老不饑是知麥門
冬古名祝餘今稱禹餘糧者祝餘之訛乎

天南星本草云莖黃幹青者爲南星花紫幹斑者爲
蒟蒻卽蜀之蒟醬也今不問黃紫槩指爲天南星
問之採藥者云相沿槩取之夫名實旣混功用寧
同余因是有感於用人者

牽牛子花紫色俗呼爲玲瓏花

如婦者黃岑也以其心黑故曰如婦

屏風者防風也蒼菜亦名屏風王右軍與姬索屏風
當是防風

珊瑚菜者防風嫩苗

千心妓女者掃帚草也似藜一名地膚

阿羅漢草者狗尾草或謂卽莠者誤莠自莠與狗尾
相似而不同

墨記草者馬蓼以葉背有黑點耳

呂宋國出一草曰淡巴菝一名曰醺以火燒一頭以
一頭向口烟氣從管中入喉能令人醉且可關瘡
氣有人携漳州種之今反多於呂宋載入其國售
之

淡巴菝今莆中亦有之俗曰金絲醺葉如荔枝搗汁
可毒頭蝨根作醺

鴛菊者烏喙苗

土檳榔者蟾蜍矢名實至易潤矣

天界寺西偏半峰僧舍有宋磁大士高可二尺許云

農夫掘地得之田間第不損鋤鋤若有神呵護者
北都西山亦有宋磁大士身與天界等亦云得之
田間豈神物有對耶西山者後歸吾鄉陳子卿孝
廉

荊州城外觀音前寺中有銅彌勒高三尺許時人
爭以金銀釵鈿投其內今身上猶見諸故物每南
風卽氣蒸如汗

表州慈化寺普庵祖師道場也中有銅鐘鑪上如琉
璃一片光瑩可觀云呂純陽過此與普庵闢法以

唾沫擗之故也。又有如翠荇一條云：呂行時以金
瓶掩之留跡也。今游者艷以爲奇。

洪洞一鍾聲聞六十里云：先是一尼鑄之屢鑄不成
尼卽自投其內。今天陰鍾猶見人形。平陽利之載
以百牛車及至不鳴。因以四牛車送歸。其鳴如初。
慈化寺普庵祖師遺鍤笛一枝，並無一孔，只口上微
缺，每向缺處吹之，六音具在。今沙彌相傳皆能三
弄，淒婉可聽。

成化甲辰二月，宿州農夫墾田，遇古墓，得一鏡一燈。

臺鏡磨照之見墓中人僵臥猶帶弓矢農夫驚仆
於地又見農家室戶男女歷歷在目以爲怪而棄
之獨携燈臺歸富室空夜發光如火樹富室因以
獻州守州守以獻萬相公及索鏡不知所之矣

客座贅言載林陵華嚴寺有投壺座高三尺餘壺以
竹爲之徑可三寸上下如一而節紋皆斜抱而尖
上與恒竹不類曰佛面竹也

成化五年六月河決杏花營漁者得龍卵於河大如
人首下銳上員質青白微具五色又多黑點持之

甚重氣煖而澤以手撼之中汨汨作水聲嚴分宜
有金廂雙龍卵酒壺二金廂雙龍卵酒甕二卽此
類乎吳郡劉昌謂龍胎生未始有卵或曰蛟卵生
第攷淮南子云蛟龍伏寒於淵而卵剖於陵埤雅
云龍卵生思抱則龍亦卵生矣

方伯文好奇創八音杯亦自作古金石皆搜古物如
烏銀漢玉水晶瑪瑙絲以古緗絲或古藤竹以竹
根土以哥定窰木以瘿木匏則用鎮江折項匏以
藩爲座開其底以盛酒惟革難其類充以犀角物

雖夙有名始伯文亦聰明一事也

石崇舊有園在今都昌縣村中隆慶四年農人耕地
得赤玉巨椀一下篆太康五年荊州刺史石崇製
農人不識爲何物以送南昌王孫谷簾谷簾雖稍
識而不甚珍重以貽康侯宗侯之祖祖後有事椀
歸江陵相公

廖季符有貽以大理石琴因問古有之乎曰未見也
劉瑾錢寧各有白玉琴而寧又有白玉琵琶耳陳
公甫夢彈石琴亦非實有也雖然世有是物始兆

於識神乎

新建西山許真君拔宅處粵東王生游其地得劍一
上篆斬蛟第七劍

趙玄度太僕有刀方而斜見出以眎客德平丞金公
玄云以手激手能躍出數丈之外而刺人無備耳
然可三向用也余謂博浪之椎或卽此物與

趙玄度太僕有手箭出以眎余長尺有只用鑲方圈
有柄爲架箭置其中不拘枝數藏之袖內掩人不
備舉手一激數丈之外皮肉皆穿其法自古有之

第今人罕用耳

張三丰有一絛暗綠色柔軟若絲按之實銅線也國
初以贈蜀王萬曆間王以贈何存勳僉憲後何
與方子及同官于演遂以贈子及今故在

甫前王村王氏一硯下二十八眼象二十八宿謂宋
時祖狀元所貽初不知貴重後有買之者願高價
始寶藏人謂直三十萬錢後有事邑中落方伯文
手

余母丁亥年抱余七弟光元地下戲見一鎮鈕掘之

稱鍾也鍾下一瓶瓶內一小鐘錢大而高寸考之

甘羅錢也

洪邁泉志不及此品豈遺之耶

龍冲龍鼻傍骨也黑色非角非鬚截以爲素珠一串可數十金於郭聖僕手中見之

入番舶壞有人漂至一島饑甚見鳥垠泥謬以克腹遂得不饑其人異之因日啖此閒卽築泥爲壑以消日日久頗多後得附歸船以泥異故不忍舍去卽載以歸比抵岍識者詫之曰此龍涎也得價無

筭

新安有奕世寶一石者曰石寶視之一頑石耳取水
澆之須糜鼎照若秦鏡然舉之甚重與戴羽伯奕
羽伯得之今在歐陽伯宣給諫許羽伯奕自稱第
三昔羊玄保第三手以奕賭得宣城太守給諫作
記贈之謂識者恐不肯以二千石易此一石也

紅羅炭御用之炭也出房山長四寸圓如碟雖千百
如度燒之易然然之經久難化香氣網縕逼人帝
王所用乃天造地設如此